

Parkhuusdach

© Aernschd Born Text Musik 1988

Genre	Chanson zur Unzeit, Basler Mundart
Kurzbeschreibung	Die wesentlichen Fragen nach dem Ereignis
Veröffentlicht auf	CD «Songs&so» / Buch Born in Basel» CD2
Besetzung	Aernschd Born Gesang Music-Container
Aufgenommen	Crealize-Studio Basel 1992 / 2002
Anhören	http://www.musicday.com/player/?band=aernschd-born&song=ilk

Entschuldigung, hän si mir Fүүr odr sin si Nichtraucher?
Hän si mir d Zit odr sin si uff dr Flucht?
Sin die Sirene wäge ihne odr wils so komisch schmeggd in dr Luft?
He, was goht die Frau vor ihne uff d Kneu? Isch das tüür?

Sin das Träne in ihrem Gsicht odr Schwäiss?
Mäine si mir kömme je widr abe ab däm Parkhuusdach?
Was schreit denn do dr Mob vo dr Schtrooss undenuffe?
Sin si e Schar odr Asylant? Sin si so digg odr isch das e Hungerbuuch?

Was brennt jetz do dr Rhy? Hani au no nie gseh
Kenne si Sodom und Gomorra? Hänsi nit emol welle zruggluege?
Wohär kömme die Flägge in ihrem Gsicht? Hänsi käi Pariser gha?
Kenne si dr neuscht Öschtricherwitz? Kenne mir uns nit?

Sin si nit äin vo däne uffem Fahndigplakat odr sinsi dä, wo obe an mir wohnt?
Sin si au scho mol so richtig bedroht worde
so mit Schtellmässer und Schlagring so wie s Huebers Jüngschi?
Ischs ene mängmol au so entsetzlig langwilig odr sin si verkablet?
Hän si au scho mol welle widr ganz vo vorne aafoh odr sin si au zfeig drzue?

Hänsi mängmol au so unbeschriibligi Sehnsücht?
Odr wurds ihne au aifach länge wenn ab und zue ihne öbber wurd zuelächle und froge:
Entschuldigung, hän si mir Fүүr odr sin si Nichtraucher?
Hän si mir d Zit odr sin si uff dr Flucht?
Sin die Sirene wäge ihne odr wils so komisch schmeggd in dr Luft?
He, was goht die Frau vor ihne uff d Kneu? Isch das tüür?

Sin das Träne in ihrem Gsicht odr Schwäiss?
Mäine si mir kömme je widr abe ab däm Parkhuusdach?

Strange

C#m / Fm / Hm / E

